



自在王菩薩經卷上

發

姚秦三藏鳩摩羅什譯

如是我聞一時佛在舍衛城祇陀樹林給孤獨園與大比丘眾二萬人俱菩薩摩訶薩皆是一生補處其名曰弥勒菩薩得大勢菩薩師子意菩薩師子相菩薩大相菩薩如是上首一萬人俱今時世尊大眾圍繞恭敬為發大乘意眾生演說經典今時眾中有菩薩名自在王從坐而起偏袒右肩右膝著地合掌白佛言世尊欲有所問若蒙聽許乃敢發言佛告自在王諸有所問佛無不聽隨意所問當為汝說今汝得解自在王菩薩得蒙聽許喜悅无量白佛言世尊云何菩薩摩訶薩於大乘法中得自在行而能為人演說此法以自在力摧伏諸魔增上慢者及諸外道有所見得諸貪著者令住大乘具足大願成就戒行得阿耨多羅三藐三菩提佛告自在王菩薩善哉善哉汝能問佛是義當為汝說一心諦聽善思念之諸善

薩云何能令眾生得住大乘具足大願成就戒行得阿耨多羅三藐三菩提自在王菩薩受教而聽佛告自在王菩薩摩訶薩有四自在法以是法故能自在行令諸眾生得住大乘何等四一者戒自在二者神通自在三者智自在四者慧自在戒自在者菩薩摩訶薩行具足戒不毀不缺不穿不濁不有所得不悔不訶不有熱惱智所稱讚隨順道戒教眾生成護法戒歡悅戒不依生處戒住定戒隨慧戒信解深法戒不退神通戒空無相不作戒寂滅戒攝佛法戒說佛法戒不捨一切眾生成慈護戒大悲根本戒信淨戒不轉儀式戒頭陀細行戒隨順福田戒畢竟淨戒不斷佛種戒護法種戒亦聖眾戒安住菩提心戒助六波羅蜜戒修四念處戒修四正勤四如意足五根五力七菩提分八聖道分戒能生一切助菩提法戒自在王若菩薩摩訶薩能持如是戒則具足所願皆得若菩薩持如是淨戒者三千大千世界劫盡燒時願欲滅

自在菩薩摩訶薩卷上 第三張 終

大言火當滅火即為滅欲令三千大千世界皆變為水欲令三千大千世界普雨眾華欲令三千大千世界皆為瓊寶欲令如恒河沙世界諸須彌山合為一山欲令如恒河沙世界大海合為一海即皆如意無不成者持戒力故所願皆得所為神力无不稱意菩薩安立如是戒中得如是自在力持淨戒故深願畢成得阿耨多羅三藐三菩提自在王乃往古世過無量阿僧祇劫有佛名淨明光王如來應正遍知明行足善逝世間解無上士調御丈夫天人師佛世尊今時有菩薩比丘名金剛齊得持戒力行淨戒故常在閑處林中經行欲具佛法故修習正行修正行已作如是念不得一切法是則名戒不貪一切法是則名戒滅一切結是則名戒觀身如鏡中像是則名戒於諸言辭如呼聲響皆是則名戒觀心相如幻是則名戒善不善法無二无別是則名戒為貪欲故觀身不淨是則名戒為瞋恚故生於慈心是則名戒以智慧破癡網

自在菩薩摩訶薩卷上 第四張 終

是則名戒不得貪患本是則名戒於法无觀無想分別是則名戒无我見無眾生見无壽者見無人見无常見無滅見是則名戒於一切法不作不起是則名戒心無所畏是則名戒不依三界是則名戒信无生法是則名戒信解無生法忍是則名戒不貪利養是則名戒於諸法空心不驚畏壞離諸相蠲除諸願是則名戒戒無所念是則名戒不自高不輕彼是則名戒不著諸入是則名戒不起五欲是則名戒了知諸陰同於法陰是則名戒了知諸性同於法性是則名戒樂無諍訟是則名戒於善法中不捨勤行是則名戒知一切法必寂滅相而以身證是則名戒自在王金剛齊比丘如是安住於戒修習聖法正念無倒時有魔子名曰障守見金剛齊比丘如是持戒修習聖法正念無倒與八万四千諸魔及其眷屬貫鉀持兵來到其所自隱其身觀是比丘心散何行千歲隨逐乃至不見一念心散可得摧壞於是魔子及與眷屬現其

自在菩薩摩訶薩卷上 第五張 終

魔身執持刀鉞在比丘前欲以相怖比丘見魔大衆兵仗欲以相怖作是善言若我戒淨習於聖法正行不創以是緣故魔衆兵仗皆當變成青黃赤白雜色蓮華須臾都華變梨師華奇妙名華以為瓔珞是時魔子與其眷屬形色儀法皆如我身自在王金剛齊比丘說是語時魔衆兵仗即皆變成妙色之華殊妙香潔以為瓔珞一切諸魔皆自見身如此比丘剗除驢駘著漆袈裟魔子見比丘現大神力性未曾有發希有心與其眷屬俱礼其足作如是言汝得何法乃有是力比丘言此力不從有所得生亦不依於身口意及一切法生是力不以住相故生以無住處故魔言比丘我於十歲求汝心行不能知處比丘言汝若以恒河沙劫求之亦不能得何以故是心不在內不在外不在中汝寧能得幻化人心所行處不答言幻化之人尚無有心況心行處比丘言如來說一切法空皆如幻化此中亦無心无思魔言若不得心不得思云

何有來去有言說比丘言幻人去來
 言說我去來言說亦如是魔言汝以
 是進行住於持戒修習聖法為何所
 趣比丘言趣無所趣魔言云何趣無
 所趣比丘言是中无先去無今去无
 當去無所趣者即是无作脫門汝問
 以是進行安於戒修習聖法何所趣
 者我不趣色生不趣色滅不趣色住
 不趣受想行識滅不趣受想行識住
 於一切法亦不趣生亦不趣滅亦不
 趣住是名正趣魔子正趣者名不取
 色不取受想行識無所見法是我所
 趣我所趣者不取色不取受想行識
 我所趣者是諸聖所趣魔言比丘於
 是法中云何有趣比丘言諸凡夫法
 及諸佛法同是一法無二无別學法
 阿羅漢法辟支佛法佛法同是一切
 法無二无別若過去法若未來法若
 現在法同是一法無二无別無出元
 生以等相故不捨如是諸法等相者
 欲以是法亦眾生成故而為說法如是
 趣者名為正趣魔子夫正趣者不趣
 欲界不趣色界不趣无色界住等法

者於法實相不動不遷是名正趣如
 如趣一切法趣亦如是如法性趣一
 切法趣亦如是如實際趣一切法趣
 亦如是求如是趣者亦不念不著諸
 趣是名正趣魔子語金剛齊比丘汝
 以是正行為得何法答言我以是正
 行得離諸法分別以是無念无分別
 故具足等相汝問得何法者是正行
 中無有得相无增上慢以是正行於
 法无所得正行者即是無行義魔子
 問金剛齊比丘汝以此戒當得何法答
 言我以此戒當得阿耨多羅三藐三
 菩提乃至小法不可得故魔子言云
 何得菩提比丘言色等則是得菩提
 受想行識等則是得菩提一切法等
 則是得菩提魔子言如是菩提於何
 處求比丘言當於我見性中求魔子
 言云何而求比丘言求時不起菩提
 見魔言比丘汝師是誰誰所教誨辯
 乃如是比丘言不壞我見性而得菩
 提是則我師不在垢不在淨是則我
 師若識不在有為不在无為是則我
 師若不依他聞於諸法不住不捨能

度諸流是則我師若遍知一切法而
 不至一切法是則我師若一切所說
 音聲言辭於不可說諸法相中而不
 動轉是則我師若一切法不生不起
 不出而能轉聖法輪是則我師不住
 此岸不在彼岸不在中流是則我師
 若一切法不生故生是則我師若一
 切法不滅故滅是則我師我隨如是
 師教故辯如是魔子言如來以何而
 轉法輪答言如來於色不轉不還色
 如色法色空色無相色无作色滅色
 離色無生色相色性亦不轉不還受
 想行識不轉不還識如識法識空識
 无相識無作識滅識離識无生識相
 識性亦不轉不還如來以是一切法
 不轉故轉於法輪如是法輪若轉若
 不轉於無量法性終不出過若能解
 此轉法輪者是人則能轉於法輪今
 時魔子及其眷屬皆為金剛齊比丘
 作弟子俱發是言我從今日歸依於師
 比丘言汝莫歸依我當歸依淨明光
 玉佛我所說者是佛所教魔子言可
 共詣佛時金剛齊比丘與魔子及八

自在王菩薩經卷上 第九段 發字

万四千魔眾俱詣淨明光王佛所頭
面礼佛足合掌恭敬在一面立淨明
光王佛因其淨戒及聖法行為說如
是法皆得不退於阿耨多羅三藐三
菩提自在王彼時金剛齊比丘豈異
人乎汝身是也障導魔子者持地菩
薩是自在王是名菩薩摩訶薩戒自
在菩薩得是戒自在者能示眾生不
思議願力教化無量眾生於阿耨多
羅三藐三菩提亦能自降魔怨疾成
阿耨多羅三藐三菩提

佛告自在王何謂菩薩摩訶薩神通
自在謂天眼天耳他心智宿命智如
意足自在王何謂菩薩天眼自在也
若菩薩眼根不為牆壁山林須弥鐵
圍世界中間之所障導是名天眼自
在菩薩以是無導眼根見十方无量
阿僧祇佛土為一佛土何以故空相
不異又見諸佛大眾圍繞皆為一佛
以法性不壞相故以見一佛淨故見
一切佛淨以一切佛淨故見自身淨
自身淨故見一切法淨於自身淨諸

自在王菩薩經卷上 第十段 發字

淨之中不生二相又見諸佛弟子不
異見佛淨菩薩以見弟子正見見佛
以見佛正見見弟子又菩薩於十方
無量阿僧祇世界所有眾生若地獄
若畜生若餓鬼若人若天除无色界
即以天眼悉皆能見生死所趣善惡
之處又知眾生行業及報菩薩雖見
眾生不取眾生相何以故信無我際
故雖見行業及報而知一切法无業
無報菩薩以是天眼見一切色皆無
色相信一切法无所有故知諸形色
皆是虛妄本來不生故是名菩薩天
眼菩薩得是天眼智力故隨所能見
或見有數色或見無數色或无所不
見菩薩雖在百千萬種眾生之中而
能入於禪定背捨三昧乃至不見有
一眾生何以故菩薩達諸法無我如
故是菩薩於色界諸天淨妙形前為
現其身令諸天子見而是菩薩亦見
諸天身菩薩又能令諸天見其身而
諸天不自見身或令諸天自見其身
而不見菩薩身自在王是名菩薩天
眼自在

自在王菩薩經卷上 第十一段 發字

自在王何謂菩薩摩訶薩天耳自在
若菩薩得是天耳於十方無量阿僧
祇世界所有諸聲天聲夜叉乾闥婆
阿修羅迦樓羅緊那羅摩睺羅伽人
非人聲悉皆得聞聞是聲時於諸聲
中無所分別信一切聲是不可說相
又聞是聲不生我相眾生相及音聲
相達一切聲本來不可說相信知是
聲無有住時菩薩耳性耳識性无有
導故聞是聲時解其實義者一切聲
不可說是滅相故以是實義而依於
義不依於聲一切法无生相故又聞
十方無量阿僧祇現在諸佛之所說
法而无有導如所聞能持持已不忘
何以故菩薩乃至无有一句不知而
滅菩薩有所問法若有漏若无漏若
有為若無為若世法若出世法若善
若不善若有罪若无罪若聲聞乘若
辟支佛乘若佛乘能令是法入一性
味謂離自性雖有所問不著六塵雖
復聞法不住諸相菩薩貴法依法不
依非法何等為法法名離染法名无
相法名無為法名无歸處法名无生

無起无得法名無比於是法中以相分別取捨戲論是名非法自在王菩薩依於義不依語不離語入義心聽法云何名入義心不墮空義見無相義見無作義見是名入義心菩薩以是入義心聽法依於義是義不可得不可得亦不可得又自在王菩薩若能如是聽諸佛法依了義經不依不了義經了義經者一切諸經皆是了義以依義故一切法不可說故菩薩如是名為依了義經若人於一切經不能如是依義是名不了義何故名不了是人不了義故行塵垢道常為所牽為誰所牽為聲所牽了義者不隨於聲何以故其義不可說故菩薩知一切法離諸邊非了相自在王依如是義趣法者一切諸經皆是了義不如是依者一切諸經皆是不了義又自在王菩薩於諸佛所聽受法時依於智不依識何以故菩薩知識虛妄如幻離相無性无色無形无對不可識如是知識相即名為智不名為識菩薩依智故不隨識知他識亦不

是識是故不着識如故說智如自在王依智菩薩不住於識能知他說而為說法又自在王菩薩說法時雖說眾生名而依於法不依眾生何以故若於我法中實有眾生者終無淨无解是故自在王一切法畢竟無我无眾生如來以世法故說有眾生諸法實無眾生是故菩薩依於法不依眾生法者即是法性義法性者是不生性義不生者是畢竟不起不作義義者是不可說義何以故以語說法法不在語中是故以語亦義有所示說皆非語非說有所分別有所說者即非佛法無分別无所說即是佛法是故言无說是佛法若人欲入佛法應如是入而以語說眾生若說法不應生見若有二者不名佛語无二無分別即是佛語若有言聲即非佛法若有論說亦非佛法若無言聲亦无論說是名佛法是故自在王若菩薩入佛法中則得如是天耳以一切聲隨諸法實相行能得阿耨多羅三藐三菩提自在王是名菩薩天耳自在

自在王何謂菩薩摩訶薩他心智自在若菩薩得他心智自在者以已心知他心所至之處為眾說法先觀眾心知是眾生有何染心何行何因何相隨而為說菩薩自心淨故入一切眾生心淨自在王譬如明鏡照諸形色相貌長短大小麤細隨其本形皆有像現不增不減鏡無分別以明淨法性照明故眾生所起心心數法皆能得知而無所碍若是眾中有多欲者能知其心亦見離欲相何以故心相非染故若眾中有多患多癡有能知其心亦見離患離癡相何以故心相非患非癡故若眾中有樂聲聞乘者知其行道法性不作小若眾中有樂辟支佛道者知其行道法性不作中若眾中有樂大乘者知其行道法性不作大菩薩隨知眾生心性而為說法不取心相雖知諸乘而為說法不壞法性不壞法性故不壞一切性而知眾生所行菩薩自以心觀他心自心他心無違无順亦知眾生心相續

自在王菩薩經卷上 第十五 發字

生又知心性即是法性自在王是名菩薩他心智自在以是自在故於天上人中無不知識自在王何謂菩薩摩訶薩宿命智自在若菩薩得宿命智自在以念力強故定根利故憶本所生自身他身恒沙劫事而為他說我於彼處如是種類姓名壽命受如是苦樂又知衆生宿世所種善根有因力者有緣力者是有聲聞因是人有所支佛因是人有大乘因知其先世所因如是隨其所應而為說法菩薩得是宿命智故自知本生於諸佛所種諸善根若先世有善根而不迴向阿耨多羅三藐三菩提者今當以是善根迴向菩薩雖知宿命亦知先世法無有來者不見法從先世至後世亦不見今世至先世知一切法无所從來亦無所去又念先際不生先見亦不生後際中見邊見知一切法無邊无中菩薩雖念衆生宿命亦知先際色離相知先際受想行識離相先際五陰離相即是後際五陰離相後際離相即是現在離相菩薩知

自在王菩薩經卷上 第十六 發字

先際一切法性空知現在一切法性空知後際一切法性空自在王菩薩如是知宿命時善根增長先世罪業因緣滅盡何以故菩薩達一切法相無新无故成如是智已信解一切有為法皆空如夢自在王譬如夢中見生死苦樂菩薩信解一切有為法亦如是如是信解者往來生死心不疲倦於衆生中而生悲心於一切法生做作相菩薩作是念如我若干千萬億劫生死往來皆虛妄無所有一切衆生亦如是生死往來虛妄不實實名不起四大四大是虛妄法自在王菩薩見宿命時諸有為法皆是虛妄何以故菩薩念先世轉輪王樂皆悉無常變異之相念帝釋樂亦皆无常變異之相亦見諸佛嚴淨世界聲聞衆嚴淨菩薩衆嚴淨所用諸物嚴淨亦念諸佛色身具足而轉法輪皆悉無常變異之相如是念時於有為法无所貪惜何以故菩薩作是念如是淨土諸佛色身無常滅盡况我所著即入无我無我所法中依於无常變異

自在王菩薩經卷上 第十七 發字

之相作如是念諸有為法皆悉無常衆生於此而生常想即於衆生大生悲心於一切法生放捨想自在王是為菩薩宿命智自在菩薩得是自在信一切法無常而為成衆生故受身為不受故受為不取故取但為教化一切衆生故自在王何謂菩薩摩訶薩如意足自在若菩薩心自在故從聖相生如意足欲力進力斷行信解力菩薩得是信解如意足非作非起若欲普至恒沙世界一念之頃皆能得至彼諸衆生皆見其來而自於先本處不動彼見說法而於此處說法不絕自在王是名菩薩如意足自在菩薩以是如意足自在力若有衆生應以如意足度者以如意足度之若諸天人著常相者示其劫燒是諸衆生見三千大千世界普皆燒盡而是世界無所損滅若有衆生傷心自大則作執金剛神執火焰金剛杵而以示之令生恐懼除其傷心自歸禮敬若有衆生樂轉輪王形者以轉輪王身而為說法若有衆生樂釋提桓因形

者以釋提桓因身而為說法若有衆生樂梵天王形者以梵天王身而為說法若有衆生樂魔王形者以魔王身而為說法若有衆生樂見佛身者則現佛身而為說法菩薩或為衆生住於空中結加趺坐身放光明而為說法或有衆生樂嚴淨世界者則為莊嚴三千大千世界懸繒幡蓋豎諸幢幡以寶羅網遍覆其上燒諸名香作衆伎樂然後說法或為衆生現三千大千世界為一海水青紅赤白種種蓮華遍覆其上於其水中現師子坐身處其上而為說法或為衆生自現其身坐須彌山頂而為說法聲至梵天或為衆生不現其身但以音聲而為說法或為衆生現乾闥婆身以衆樂音而為說法或為衆生現龍王身起雲雷震放大電光又霍大雨而為說法或有衆生飢渴逼切則與天食身得充滿具足悅樂而為說法若有地獄衆生苦惱逼迫而以神力滅地獄火以天精氣令其毛孔皆得安樂而為說法若有盲者如意神力以

天眼與令得開明而為說法若有齷者如意神力與其耳根令得聞聲而為說法若有種種病自以神力令其除愈而為說法若有犯罪送至死處如意神力化人代之令得免罪心得安樂而為說法若有衆生則足斬手刈截耳鼻形殘醜陋常自愧耻而心退沒如意神力皆令完具而為說法若有衆生在於胎中藏血屎尿不洩之處如意神力化作寶臺樓閣令處其中亦成意識而為說法若其始生諸根未成如意神力令其具足堪任聽受而為說法自在王是名菩薩成如意足以如是等種種不思議神力而為說法菩薩如意神力故為度奉事日月衆生以三千大千世界置其右掌遠擲他方無量世界令諸人衆皆見其去而此世界本處不動又以恒河沙世界入一毛孔舉至梵天擲置他方無量世界令諸衆生无去來想若恒河沙無量世界劫盡火燒能一吹令滅或以兩手障蔽日月身出光明照諸世界而為說法自在王是

菩薩或坐諸佛前若欲供養佛以一掬華如須彌山散佛身上華至半身又三千大千世界一切草木皆成為焔遍滿世界火落如雨自在王是菩薩隨諸衆生所貴形色皆悉為現若釋若梵若聲聞形若辟支佛形是名菩薩神通自在謂天眼見無身故得天耳聞無障故得他心智達一切心心法故證宿命智憶過去無量阿僧祇劫故得如意足於一切形色隨意示現故自在王神通自在者能以一切佛事示諸衆生亦能了達分別衆生諸根利鈍能以聲聞乘度衆生辟支佛乘度衆生大乘度衆生故於生死中衆所知識成衆生故衆所知識於善法中出家行道故衆所知識以方便力故衆所知識檀波羅蜜迴向故衆所知識尸羅波羅蜜羼提波羅蜜毗梨耶波羅蜜禪波羅蜜般若波羅蜜迴向故衆所知識降伏諸魔令種善根故是故名為神通自在又自在王菩薩得是神通自在故色身之力名聞稱讚家姓財物眷屬人民普皆殊

自在王菩薩經卷上 第三十一張 發字

勝眾所知識是故名為神通自在又自在王菩薩得是神通自在故眾所知識謂諸天龍夜叉乾闥婆阿修羅緊那羅迦樓羅摩睺羅伽人非人帝釋梵王諸護世者諸佛正遍知者皆所知識是故說名多識自在王菩薩以是神通不退本誓而能示現一切眾事

自在王何謂菩薩摩訶薩智自在謂陰智性智入智因緣智諦智自在王何謂陰智色前際空後際空中亦空受想行識前際空後際空中亦空五陰畢竟空是名陰智自在王何謂性智地性是法性水性是法性火性是法性風性是法性何以故四性入於法性皆為一性謂之空性空性法性同一無性此中無地性无水性無火性无風性何以故不壞性是法性無二性是法性无生性是法性無垢性是法性无淨性是法性如法性壽性是法性无生性涅槃性是法性如涅槃性是法性无色性有為性无為性亦如是如是性智不隨他得是名

自在王菩薩經卷上 第三十二張 發字

性智自在王何謂入智眼從本來不生不起無有作者耳鼻舌身意從本已來不生不起无有作者自在王眼無有主是中无有見者耳無有主是中無有聽者鼻无有主是中無有嗅者舌无有主是中無有嘗者身无有主是中無有覺者意无有主是中無有識者自在王眼性不能見色耳性不能聽聲鼻性不能嗅香舌性不能知味身性不能覺觸意性不能識法何以故眼无所作與草木土石無異耳鼻舌身意亦无所作與草木土石無異自在王眼不滌不離耳鼻舌身意不滌不離何以故眼從本來是離相耳鼻舌身意從本已來是離相自在王若能如是知一切入則能離欲是名入智自在王菩薩如是知諸陰性入不生不起以畢竟滅滅已而受生退沒雖受陰性入而不捨陰性入智是名智自在謂知陰性入知陰性入相而能不捨現於三界而不住諸結示有生滅而不生不滅是名智自在自在王何謂緣智無明緣行无明

自在王菩薩經卷上 第三十三張 發字

不作是念我起行行緣識行不作是念我起識識緣名色識不作是念我起名色名色緣六入名色不作是念我起六入六入緣觸六入不作是念我起觸觸緣受觸不作是念我起受受緣愛受不作是念我起愛愛緣取愛不作是念我起取取緣有取不作是念我起有有緣生有不作是念我起生生緣老死生不作是念我起老死老死緣憂悲苦惱老死不作是念我起憂悲苦惱自在王若菩薩能如是觀十二緣者不墮諸見若斷見若常見菩薩作是念法屬眾緣推求眾緣則不可得即於十二緣而得真智何謂真智知十二緣生法同於無生无生同空無相无作空無相无作同眾緣生法如來所用等得一切法是法同十二緣生法十二緣生法無有法生是故說應見十二緣生无生十二緣無生智即是十二緣生智自在王明无明無二知如是者則知緣生法行非行无二知如是者則知緣生法識非識無二知如是者則知緣生

法名色非名色無二知如是者則知
緣生法六入非六入無二知如是者
則知緣生法觸非觸無二知如是者
則知緣生法受非受無二知如是者
則知緣生法愛非愛無二知如是者
則知緣生法取非取無二知如是者
則知緣生法有非有無二知如是者
則知緣生法生非生無二知如是者
則知緣生法老死非老死無二知如
是者則知緣生法從緣生者無有是
處從緣生則是我則空也從緣
生者則是無來無去從緣生者則非
真實從緣生者則無一相從緣生者
則无所行如是知者是名緣生智見
緣生法者不見無明不見行不見識不
見名色不見六入不見觸不見受不
見愛不見取不見有不見生不見老
死若不見如是法者是名見緣生法
若見緣生法故名見法云何見法見
離染法云何離染行者於一切法離
染見故名為離染是故說見離染法
云何為見不為增不為減如是見如
不動不著如是見如不壞法性亦不

見合如與法性不壞不合如是見者
不毀實際如是見者亦不見非以肉
眼見非以天眼見非以慧眼見何以
故肉眼無作故不見天眼作起相
故不見無為法慧眼无分別相无分
別故不見自在王若菩薩能如是見
一切法則能見佛不以色故見不以
受想行識故見不以諸相故見不以
法故見不以戒故見不以定慧解脫
知見故見不以過去故見不以未來
現在故見如是見者是名見佛
自在王菩薩白佛言世尊頗有所緣
菩薩見如是諸法而能見佛耶佛言
有何以故色是盡相性无生故能見
色如是是名見如來受想行識是盡
相性無生故能見識如是是名見如
來戒是无為無作无起相能見我如
是是名見如來定慧解脫知見等亦
如是是名見如來自在王我於過去
燃燈佛時時見佛淨我於今時見緣
生法故見法以見法故見如來自在
王言於燃燈佛已前云何見諸佛言
以色身相見故見不以不二法身見

故見今為汝說我從初發心未曾見
佛何以故不以色相見故名為見佛
是故自在王若菩薩欲得見佛應如
我見燃燈佛以諸法一相故云何一
相如我身燃燈佛身亦如是如燃燈
佛身亦如是一身故以不二不別入
證法相是名見緣生法以見緣生法
名為見法以見法故名為見佛若菩
薩能於一切念中證滅而不實滅生
死不可得而以方便智故示是名菩
薩智自在

自在王菩薩經卷上

自在王菩薩經卷上

校勘記

- 一 底本，金藏廣勝寺本。
- 一 七五一頁中二行「三藏」，**資、磧、普、南、徑、清**作「三藏法師」，下同。
- 一 七五一頁中五行首字「菩」，**資、磧、普、南、徑、清**作「諸菩」。
- 一 七五一頁中六行「得大勢」，**資、磧、普、南、徑、清**作「大勢至」。
- 一 七五一頁中七行第九字「薩」，**磧、普、南、徑、清**作「薩等」。
- 一 七五一頁中八行第一三字「敬」，**資、磧、普、南、徑、清**作「敬供養」。
- 一 七五一頁中一行第七字「掌」，**磧、普、南、徑、清**作「掌長跪」。
- 一 七五一頁中一八行「有所見得」，**資、磧、普、南、徑、清**作「所有邪見」。
- 一 七五一頁下一五行「儀式」，**資、磧、普、南、徑、清**作「威儀」。

- 一 七五一頁下二二行第一三字「戒」，諸本（不包括**石**，**石**無此經）作「戒戒」。
- 一 七五二頁上八行首字「意」，**資、磧、普、南、徑、清**作「意是」。
- 一 七五二頁中一行第八字「志」，**磧、普、南、徑、清**作「志癡」。
- 一 七五二頁中二行第四字「無」，**磧、普、南、徑、清**作「無憶」。
- 一 七五二頁中九行第一二字「戒」，諸本作「心」。
- 一 七五二頁中一行第一一字「起」，**資、磧、普、南、徑、清**作「趣」。
- 一 七五二頁中一五行第一〇字「必」，**資、磧、普、南、徑、清**作「畢竟」。
- 一 七五二頁中一六行第一〇字及下七行第一三字「王」，**磧、普、南、徑、清**作「王是」。
- 一 七五二頁下二行「欲以相怖」，**磧、普、南、徑、清**作「現其怖相」。
- 一 七五二頁下六行第一三字「與」，**資、磧、普、南、徑、清**作「及」。

- 一 七五二頁下九行「妙色之」，**磧、普、南、徑、清**作「種種色」。
- 一 七五二頁下一九行第一三字「中」，**磧、普、南、徑、清**作「中間」。
- 一 七五三頁上一行第五字「有」，**磧、普、南、徑、清**無。
- 一 七五三頁上六行第一一字「脫」，**磧、普、南、徑、清**作「解脫」。
- 一 七五三頁上七行第五字「安」，**資、磧、普、南、徑、清**作「安住」。
- 一 七五三頁上七行第一二字「何」，**磧、普、南、徑、清**作「為何」。
- 一 七五三頁上九行第七字「滅」，**資、磧、普、南、徑、清**作「生」。
- 一 七五三頁上九行第一三字「識」，**磧、普、南、徑、清**作「識滅不趣受想行識」。
- 一 七五三頁上一七行末字「切」，**資、磧、普、南、徑、清**無。
- 一 七五三頁上二〇行第二字「以」，**磧、普、南、徑、清**作「平」。
- 一 七五三頁上二〇行第一二字「等」，

一 七五三頁上二二行第九字「夫」，
 資、磧、普、南、徑、清作「又」。
 一 七五三頁中八行「具足」，磧、普、
 南、徑、清作「則得具足平」。
 一 七五三頁下四行第二字「轉」，普
 無。
 一 七五三頁下二〇行第四字「俱」，
 麗無。
 一 七五四頁上三行第七字「戒」，普
 作「心」。
 一 七五四頁上八行末字「不」，資、
 磧、普、南、徑、清作「不可」。
 一 七五四頁上一四行末字「也」，資、
 磧、普、南、徑、清無。
 一 七五四頁上一八行第一三字「空」，
 磧、普、南、徑、清作「虛空」。
 一 七五四頁下三行第九字「聲」，資、
 磧、普、南、徑、清作「聲龍聲」。
 一 七五四頁下一一行第五字「滅」，
 資、磧、普、南、徑、清作「寂滅」。
 一 七五四頁下一六行第六字「問」，

資、磧、普、南、徑、清作「聞」，
 下同。
 一 七五四頁下二〇行第二字「謂」，
 資、磧、普、南、徑、清作「所謂」。
 一 七五五頁上一行「以相」，資、磧、
 普、南、徑、清作「憶想」。
 一 七五五頁上一四行首字「所」，普、
 南作「物」。
 一 七五五頁中二行第一三字「說」，
 資、磧、普、南、徑、清作「識」。
 一 七五五頁中七行第二字「生」，資、
 磧、普、南、徑、清作「生如是」。
 一 七五五頁中一六行第六字「語」，
 資、磧、普、南、徑、清作「語言若」。
 一 七五五頁中一八行第八字「言」，
 磧、普、南、徑、清作「音」，下同。
 一 七五五頁下四行第八字「染」，麗
 作「深」。
 一 七五五頁下一三行第一三字「有」，
 資、磧、普、南、徑、清作「者」。
 一 七五六頁上一五行第八字「薩」，
 資、磧、普、南、徑、清作「提」。

一 七五六頁上一七行首字「後」，資、
 磧、普、南、徑、清作「今」。
 一 七五六頁上一七行第九字「先」，
 資、磧、普、南、徑、清作「後」。
 一 七五六頁中四行第九字「達」，資、
 磧、普、南、徑、清作「通達」。
 一 七五六頁下三行第八字「放」，資、
 磧、普、南、徑、清作「於」。
 一 七五七頁上一八行「雷震」，磧、
 普、南、徑、清作「震雷」。
 一 七五七頁上二二行「令其」，資、
 磧、普、南、徑、清作「入身」。
 一 七五七頁中七行首字「剎」，資、
 作「刻」；磧、普、南、徑、清作
 「剎」。
 一 七五七頁中一一行「亦成」，資、
 磧、普、南、徑、清作「成其」。
 一 七五七頁中一四行第一〇字「不」，
 資、磧、普、南、徑、清作「不可」。
 一 七五七頁中二一行首字「想」，資、
 磧、普、南、徑、清作「相」。
 一 七五七頁下一行第一一字「養」，

一 資、磧、普、南、徑、清無。

一 七五七頁下九行首字「心」，麗作「心心」。

一 七五七頁下二一行「是故」，諸本無。

一 七五八頁上六行第八字「多」，資、磧、普、南、徑、清作「多知」。

一 七五八頁中一行第一三字及一四行第一二字「來」，資、磧、普、南、徑、清作「已來」。

一 七五九頁上一一行第五字「則」，資、磧、普、南、徑、清作「者即」。

一 七五九頁上一五行第二字「生」，麗無。

一 七五九頁上一五行第五字「不」，資、磧、普、南、徑、清作「即不」。

一 七五九頁中四行第四字「无」，資、磧、普、南、徑、清作「无作」。

一 七五九頁中九行及一八行「解脫」，資、磧、普、南、徑、清作「解脫解脫」。

一 七五九頁中二〇行「時見佛」，資、

磧、普、南、徑、清作「得見佛清」；

麗作「得見佛」。

一 七五九頁中二〇行第一三字「見」，資、磧、普、南、徑、清作「以見」。

一 七五九頁中二二行末字「言」，諸本作「佛言」。

一 七五九頁下六行「亦如是」，資、磧、普、南、徑、清作「我身亦亦」。

一 七五九頁下六行「不二不」，資、磧、普、南、徑、清作「不二不分」；

磧、普、南、徑、清作「身二不分」。

一 七五九頁下七行首字「證」，諸本作「一」。

自在王菩薩經卷下

發

姚秦三藏鳩摩羅什譯

自在王何謂菩薩摩訶薩諦智求聲聞者以諦法證聲聞解脫菩薩得此諦而不證解脫是名自在求辟支佛者以諦法證辟支佛解脫菩薩得此諦而不證解脫是名自在諦智者苦諦虛妄知見去何知見苦虛妄不實得時故為苦以倒故有若菩薩知苦无生無起是名知見苦諦去何斷集諸法隨集斷去何為集集平等故斷亦如是無所從來故集无所去故斷是名諸法性是中無有實法生已當斷隨所愛使故有集若斷愛使是名斷集去何苦滅諦畢竟滅苦集而无法可壞故是名苦滅一切諸緣相滅故一切法如是滅相於此中不生不滅名為滅諦去何道諦隨以何道求一切法不得若善若不善若有漏若无漏若有為若無為是名道諦是道平等不分別一切法故是道寂滅離諸結熱故是道安樂離一切憂惱故是道无

自在王菩薩經卷下 第七段 發

發

漏一切漏盡故是道一切有所得者所不能行正行禪定者易修行故是道諸佛所不捨是道無相斷一切相故以如是道不墮於二是名道諦若菩薩以如是門知四諦者是名諦智若菩薩先以四諦為求聲聞辟支佛者說於此乘中亦無所貪是名諦智自在又在自在王菩薩知聲聞乘不於中住知辟支佛乘不於中住知佛乘不於中住是名諦智自在又在自在王若以一心知一切眾生心以一心性知一切心性而於心智不作二行是名智自在又有智自在知見過去世無尋心不至過去世知見未來世无尋心不至未來世知見現在世無尋心不至現在世不於過去未來現在世而生戲論又有智自在知一切有為法盡滅而不盡諸善根知法无生而以攝法攝集眾生走名智自在又不從他知一切法畢竟滅相以是智力而自不滅教化眾生是名智自在自在王菩薩於此若欲得智自在力而自在者應隨智行不隨意行去何意行所有意業

自在王菩薩經卷下 第七段 發

發

皆是意行所有識業皆是意行所有心業皆是意行所有著心起諸善根皆是意行墮見行施墮相持戒依我行忍皆是意行我是菩薩則是意行我發菩提亦是意行我不斷佛種不斷法種不斷僧種亦是意行我為利眾生故發心亦是意行我當度未度者解未解者安未安者滅未滅者皆是意行我是施主我是持戒我是行忍我是行進我是行定我是行智皆是意行我是行慈者行悲者行喜者行捨者皆是意行我是少欲知足離行者不雜行者頭陀行者阿蘭若者細行者如是分別皆是意行我是空行者我是無相行者我是无作行者如是分別皆是意行我是諦語者實語者如說行者皆是意行我是過諸魔業離四魔者我斷一切見得忍如是分別皆是意行我當得阿耨多羅三藐三菩提轉法輪度眾生當於無餘涅槃而般涅槃如是分別皆是意行自在王去何菩薩智業隨无心意識行處是名智業菩薩常作智業不

起意業云何菩薩智業菩薩智業有自在王菩薩摩訶薩下 第五卷 終
 二種何等二一者成衆生二者受持
 正法云何成衆生菩薩隨以所知能
 成衆生云何受持正法若不受一切
 法是名受持正法若受持色非受持
 正法受持受想行識非受持正法若
 受諸入諸性非受持正法若受善不
 善法非受持正法若受罪不罪有漏
 無漏有為無為世法出世法非受持
 正法若受施相非受持正法若受戒
 忍進定智非受持正法何以故所可
 取緣皆是非法非善非受持正法何
 以故如來所得法是法無相無尋若
 取緣相非受持正法如是菩薩業中
 智是名智業以如是智而作智業不
 盡於智是名智自在
 自在王何謂菩薩摩訶薩慧自在菩
 薩得慧自在能知諸法解釋章句得
 四無尋智力故謂義無尋智法無尋
 智辭無尋智樂說無尋智云何義無
 尋智若菩薩於諸語中依義不依語
 義者於一切法正智云何正智謂不
 可說義是此義在語中更無異聲從

本已來離諸相故是名為義不應離自在王菩薩摩訶薩下 第五卷 終
 語依於義語中等相即是義能如是
 知名義無尋智又達一切法義亦名
 義無尋智云何法無尋智菩薩依於
 法不依非法依於法者不見非法何
 以故知一切法離相但有名故又法
 無尋者雖說三乘不壞法性何以故
 法性是一性謂无相是菩薩以語說
 法即知語同響相有所說法信解皆
 同法性於智於語而無所尋是名法
 無尋智云何辭無尋智知諸天言辭
 知龍夜叉乾闥婆阿脩羅迦樓羅緊
 那羅摩睺羅伽人非人言辭知帝釋
 梵天王護世者言辭知一言二言多
 言略言廣言男言女言非男言非女
 言過去言未來言現在言隨以方便
 言辭令其得解自以淨妙言辭亦不
 輕毀他語何以故知一切法無有言
 辭菩薩作是念以言辭說法令其得
 解是法於言辭中不可得言辭於法
 中亦不可得從本已來无有言辭若
 有言辭不應以善言辭說不善法是
 故當知言辭能示善惡又辭無尋者

即以衆生言辭而使行法何以故法自在王菩薩摩訶薩下 第五卷 終
 不行法能如是行一切法以言辭說
 此行使彼得解是名辭無尋智云何
 樂說無尋智若菩薩於一切文字皆
 能樂說於一切音聲亦能樂說一切
 名字亦能樂說是名樂說云何為樂
 菩薩若說法時樂法樂實樂諦若信
 樂修多羅者為說修多羅信樂岐夜
 伽陀弊迦蘭奈誼陀那於陀那阿波
 陀那伊提郁多伽闍陀伽裴佛略阿
 浮陀達摩者皆為說之信樂過去者
 為說本事一切衆生所樂諸根皆隨
 所樂而為說法樂信根者因信根為
 說法樂進根者因進根為說法樂念
 根者因念根為說法樂定根者因定
 根為說法樂慧根者因慧根為說法
 如是諸根皆因而為說法姪欲多者
 分別有二萬一千佛知有八萬四千
 根如來因此諸根皆能樂說菩薩次
 能樂說瞋恚多者分別有二萬一千
 佛知有八萬四千根如來因此諸根
 皆能樂說菩薩次能樂說愚癡多者
 分別有二萬一千佛知有八萬四千

根如來因此諸根皆能樂說菩薩次
能樂說雜分者分別有二萬一千佛
知有八萬四千根如來因此諸根皆
能樂說菩薩次能樂說自在王是名
樂說無尋智於此義無闕法無尋辭
無尋樂說無尋皆以慧為本慧所住
處慧之所攝菩薩以慧力故用四自
在及餘自在皆得自在世尊慧以何
為本為任何處何處所攝自在王慧
以多聞為本住多聞處多聞所攝世
尊多聞以何為本為任何處何處所
攝自在王多聞以善知識為本住善
知識處善知識所攝世尊善知識以
何為本為任何處何處所攝自在王
善知識以敬心為本住於敬心敬心
所攝世尊敬心以何為本為任何處
何處所攝自在王敬心以深心為本
住於深心深心所攝世尊深心以何
為本為任何處何處所攝自在王深
心以質直為本住於質直質直所攝
世尊質直以何為本為任何處何處
所攝自在王質直以大悲為本住於
大悲大悲所攝世尊大悲以何為本

為任何處何處所攝自在王大悲以
衆生為本住於衆生衆生所攝何以
故自在王菩薩為度一切衆生大
悲心生一切智心是名菩薩慧自在
又慧自在菩薩以慧自在故因一法
門若一切若滅一切種種異辭廣說
諸法於實相中無所遺失菩薩或欲
不現其身為衆生說法或從身毛孔
演出法音隨衆生所行而為說法菩
薩或欲現其身為衆生說法一切外
道論師不能窮盡又外道仙人所作
若男哆邏呪術經韋陀若語論若鉢
追若諸神通若諸智門若日月五星
經若夢經若地動經若陀魔陀呪術
若鳥語經若鳥獸經若龍輿閻婆夜
又入身經若王相經若豐樂飢饉相
經若諸邊遊戲經如是世界經書智
慧伎藝文章算數色相音樂歌佛筵
篋箏笛音曲折菩薩轉身自然在
心皆能通了以慧力故皆能得知皆
能示現皆能達知菩薩雖知如是方
術不惱衆生亦不以是為淨妙道自
在王慧自在菩薩與百千萬諸梵王

共住共坐自現其身與共語論亦不
著梵王光明德相而諸梵王迎送菩
薩生尊敬心如是皆於一切天宮現
自在力而亦不著但生無常苦空无
我想依無生法依度一切衆生之心
自在王是名菩薩慧自在又自在王
慧自在菩薩如魔所有天宮復令殊
勝自現其身勝魔所有百千萬倍令
諸魔等生渴愛心生貪著心以此自
嚴破魔慢心令住阿耨多羅三藐三
菩提然後說法自在王慧是菩薩遍
行法若施若受若以施迴向而於此
處必應用慧若自持戒教他持戒以
持戒迴向而於此處亦應用慧若修
行忍若教他忍以忍迴向而於此處
亦應用慧若自行進教他行進以進
迴向而於此處亦應用慧若自行禪
若教他禪以禪迴向而於此處亦應
用慧若讀諸經若為他說法若如所
聞以慧正念一切行立坐卧一切儀
法一切捨心皆應用慧慧力菩薩則
是一切善法力者慧增上菩薩於一
切法得增上自在慧自在菩薩於一

切法能自在行執慧力菩薩知佛能拒魔軍有慧菩薩自在隨行諸法而不用力如人仰射其箭還時不須弓力菩薩亦如是以慧力故遠自在智入諸善法坐道場時得是智力以是力故以右手動十方世界破大魔軍得佛十力以是十力一切天人無能伏者自在王是戒自在神通自在智自在慧自在若人不種善根不能得聞如斯經典自在王若人得聞是經心歡悅者當知是人得四自在以是自在現自在力何以故自在王是諸自在一切聲聞辟支佛之所元有介時自在王菩薩聞佛所說心大喜悅合掌禮敬瞻仰尊顏目不暫捨作如是言世尊佛今以是四自在力一切衆生亦當得是四自在力佛以神力使自在王菩薩以種種好色香華滿其衣裊以散佛上及諸菩薩蒙華散者皆成金色三十二相以嚴其身空中百千萬億諸天同聲嘆言若有衆生信受如是四自在力發阿耨多羅三藐三菩提心者是諸衆生以佛莊

嚴而以自嚴何以故是四自在皆隨一切智心世尊若佛本不發阿耨多羅三藐三菩提心者是諸衆生云何得聞知是不可思議諸自在經諸天子嘆已佛告自在王菩薩我念過世於燃燈佛前第七十佛号普淨光王如來亦廣說此四自在法時有菩薩名智行足亦以此法問佛佛說此法時八千菩薩得此四自在及無生法忍三萬二千人發阿耨多羅三藐三菩提心自在王我於今時初聞此四自在聞已受持至燃燈佛時乃得具足是故自在王若於今世若我滅後有人一心求佛道者受持是經當知是人疾得无生法忍說此自在王經時三萬二千人發阿耨多羅三藐三菩提心諸天子供奉佛故作百千伎樂雨於天華以佛神力從衆伎樂出如是音若有衆生聞此自在王經信解受持當知是人諸根明利樂於佛法其智廣博為善知識所護深種善根於諸衆生行大悲道

十力四無所畏十八不共法菩薩亦有十力四無所畏十八不共法不佛告自在王有阿鞞跋致菩薩已久習行得無生法忍住第八地欲入九地為般若波羅蜜方便所護如是菩薩則能具成菩薩十力四無所畏十八不共法自在王云何菩薩十力為薩婆若故發深堅心力具慈心故不捨一切衆生力不求一切利養故捨一切世界飾好故具大悲力信一切佛法故能成是法故心不退沒故具大進力行念安慧故不壞儀法故住不動定力離二邊故順緣生法故斷一切見不別戲論故具般若波羅蜜力成衆生故受無量生死故習善德无厭足故信解有為法如夢故於生死中無疲倦力觀諸法相故无我無人无衆生故信解不生不起法故信樂无作法故觀諸脫門故得聲聞辟支佛乘解知見故得脫門力於深法中不隨他智故觀一切衆生心所行故具無尋智力自在王是名菩薩十力

自在王何謂菩薩四無所畏得陀羅尼故一切所聞能持故常不忘念故於大眾中說法无所畏隨一切眾生所信解而為說法如隨病合藥不見一切眾生諸根隨應說法於大眾中而無所畏是菩薩眾中說法无所疑難無有東方南方西方北方有來問我我不能答乃至无有微畏之相恣於眾生之所問難隨問為答而无所畏善能斷疑故於大眾中說法而無所畏自在王是名菩薩四无所畏自在王何謂菩薩十八不共法菩薩從生已來自能行施無有教言汝當行施樂行捨心若魔作佛形來語之言汝行於施當墮地獄菩薩若生慳悔之心無有是處樂捨一切分布施與以是行施為阿耨多羅三藐三菩提不求果報利益眾生故是為菩薩初不共法自在王菩薩自能持戒无有教者雖不值佛而亦不從他人受戒善能護持一切諸戒常樂持戒謂雖在家如戒所說盡能奉持若其出家戒經所說不須教導皆能履行乃至不

為壽命諸緣而捨於戒所持諸戒皆順菩提為斷眾生破戒法故是為菩薩二不共法自在王若貧窮下賤及穢陋羅工巧之人曠恚加惡苦言罵辱節節支解菩薩亦時其心不動於此眾生慈心普潤有力能報而不加害但依於法我以佛法緣故忍受此苦亦願是人心得善淨發大莊嚴是為菩薩三不共法自在王菩薩雖遭急難猶故進行不懈不息而終不生退沒之心若見聲聞入於涅槃見世苦惱而於聲聞滅度法中心不貪樂若見辟支佛滅度又見生死苦惱於辟支佛涅槃法中心不貪樂若見諸佛已成大利佛法具足入於涅槃自見其身未得具足六波羅蜜及諸佛法於此法中心亦不沒而勤行進我當於此大乘涅槃而取滅度是為菩薩四不共法自在王菩薩若作轉輪王若作帝釋若作魔王百千侍女作天伎樂具受欲樂而於禪定及無量心皆現在前常樂捨離憤內之處於生死中生大恐畏想於五欲中生大

不淨想於五陰中生惡離想於四大中生毒地想於諸入中生空聚想於已眷屬生怨賊想於宮宅侍女中如在死尸間想但求行法但求見佛但念欲度一切眾生於伎樂之聲出禪定法音或時魔障其聲先世善根力故而於空中得聞佛音法音僧音聞此音已弃捨世界自在之樂出家入林是為菩薩五不共法自在王菩薩於世禪定之中不生堅想以智分別離於諸見依法依義此不共法乃至夢中不生我見不生法見菩薩不為諸結見纏所使離諸疑悔乃至惡魔不能障蔽令其疑悔離於正法菩薩為成眾生故或破儀法而於其中无有疑悔自在王是為菩薩六不共法自在王菩薩從生已來自得身淨離於煞生不以手足刀杖瓦石有所惱害常捨刀杖資生豐足無所乏少一把之草不與不取珍寶滿地不生貪心飢窮死困不以邪命而自活也常修梵行至於心想不念五欲離諸欲惱不以五欲之緣而行非法以智為

首成善身白在菩薩經卷下 第七條 終是為菩薩七不共法自
 在王菩薩淨於口業真語實語言行
 相應不自欺身不誑諸佛諸天龍神
 夜叉乾闥婆阿修羅迦樓羅緊那羅
 摩睺羅伽人非人等菩薩不行兩舌
 眷屬親愛終始不離菩薩不行惡口
 常行愛語軟語和柔語不惡語不嚴
 語有理語安樂語先意語和悅語菩
 薩於諸惡口嚴言優剋苦語人不喜
 聞自惱惱他如是諸語終不出口苦
 薩不為無義語有則言有無則言無
 深心淨故口業皆淨自在王菩薩得
 此不共法故世世所生常得如是隨
 法語口能以是語不淨之人令其得
 淨已淨人者令起恭敬供奉之心以
 是深心不共法故得實語口諸有所
 說皆實無虛是為菩薩八不共法自
 在王菩薩已心自在得自在行不貪
 他物不恚惱衆生行於正見於菩薩
 心無等等心終不忘失菩薩常離一
 切諂曲不直之心晝夜常行善淨慈
 心是為菩薩九不共法自在王菩薩
 所生之處一切經書呪術醫方等數

為寂為上不須師教自能知之皆悉白在菩薩經卷下 第七條 終
 了達亦於世法出世法中得不隨他
 慧又不承望聽採他語常為諸天世
 人之所瞻仰有所言說皆悉隨學是
 為菩薩十不共法自在王菩薩或為
 衆生療治諸病不求利養以大悲為
 首療治病時發心願言當令衆生得
 出世法滅諸苦惱令至涅槃是為菩
 薩十一不共法自在王菩薩不求不
 願轉輪王位釋梵天王之慶而自得
 之何以故菩薩不為身色端嚴故行
 道不為世界眷屬榮位名聞稱讚故
 行道如是之福不求而得是為菩薩
 十二不共法自在王菩薩住尊貴處
 長壽諸天曾見佛者常來擁護如是
 勸發應作是行行是業者能至菩提
 是則退法是則進法如是行者諸根
 隨順阿耨多羅三藐三菩提是諸天
 神常以如是隨宜勸發令不違失阿
 耨多羅三藐三菩提是為菩薩十三
 不共法自在王若有凶暴瞋恚惡人
 見此菩薩身口心業不能加惡心得
 善淨者或有人惱此菩薩忍受不報

令其心淨得住於法若有衆生侵害白在菩薩經卷下 第七條 終
 菩薩不令以此墮於惡道何以故菩
 薩本來已得具足不共善淨之願若
 有衆生以身口意侵害惱我今不以
 此墮於惡道菩薩淨持戒故隨願皆
 得是為菩薩十四不共法自在王或
 有衆生慳貪不信不見業行不依果
 報不識佛法僧於諸沙門婆羅門心
 不善淨不能敬札聽受其語心不尊
 重不生希有之想是諸衆生見此菩
 薩身口意行儀法語論心即得淨札
 敬隨順便生尊重希有之心何以故
 菩薩得不共法故是為菩薩十五不
 共法自在王若一切諸天龍神夜叉
 乾闥婆諸仙大人婆羅門等世之大
 師見此菩薩生師尊想於此諸人名
 稱寂勝又諸天龍神夜叉乾闥婆仙
 人婆羅門等世界之師詣此菩薩曲
 躬札敬供給使令諸師弟子亦皆札
 敬尊重迎送心念知勝得是信心是
 為菩薩十六不共法自在王菩薩所
 在國界聚落城邑能修善法離不善
 法能化衆生護正法者而生其中得

正見父母所生之慶常為師長禮敬
尊重國界之中衆生命終無墮惡道
何以故菩薩以善法攝衆生令行福
故命終之後皆生人天是為菩薩十
七不共法自在王菩薩隨順一切助
道之法諸明神通皆具足故一切諸
魔不能得便是為菩薩十八不共法
自在王何故名為不共法菩薩隨順
一切佛法故諸聲聞辟支佛初發意
者之所无有而况凡夫

為坐道場自在王過去然燈佛前威
德佛提沙佛弗沙佛光明佛前有佛
号天王如來應正遍知明行足善逝
世間解無上士調御丈夫天人師佛
世尊其佛世界嚴淨豐樂天人充滿
其土平正琉璃為地閻浮檀金以為
蓮華遍覆其土柔軟細滑辟如天衣
是時世人身色長短資生所有園林
池觀皆如兜率天上所須飲食應念
即至與天無異唯有名別其三千世
界佛為法王是故其佛号为天王如
轉輪王坐於正座以法化民无不承
順天王如來亦復如是坐師子法座
為一切天人演說於法大衆坐履東
西八万四千由旬南北亦八万四
千由旬天王如來說法之時音聲遍
滿三千大千世界其諸天人盡敬尊
重讚嘆行無上法以為法供其土衆
生无有樂下法者唯樂佛法無有聲
聞辟支佛名况發心行者唯有菩薩
以為眷屬无有女人亦不間有姪欲
之名皆於蓮華結加趺坐自然化生
唯樂三法何等為三一者樂見佛

二者樂意聞法三者樂觀於法好喜
離行其諸人衆修習經法常不放逸
福慧具足壽命無量阿僧祇劫命終
生天謂到他佛土若有菩薩命欲終
時上昇於空高七多羅樹唱大音言
我於此土今當退沒時衆坐菩薩聞
此聲已皆共集會試其法忍作如是
言何等法退何等法生時是菩薩於
大衆中而作是言此中無法若退若
生如來得阿耨多羅三藐三菩提時
知一切法無退无生何以故色不退
不生受想行識不退不生更無異法
必定可得若我若衆生若壽命退者
生者如來得阿耨多羅三藐三菩提
時知一切法皆空无相空無相法不
退不生諸法離際不作際不起際无
生際佛以為證如是諸際亦不退不
生退名衆緣離生名衆緣合而是諸
緣亦不退不生是菩薩於大衆中說
是法已然後乃退其身滅已無灰无
烟即生他方現在佛前是天王佛及
諸菩薩不著袈裟皆自生淨妙天
衣亦無結惑世人調順皆得无生法

忍不為衆生廣說法而諸衆生其
白在王菩薩經卷下 第三十
 振明利小發即悟若天主佛為諸菩
 薩演說法時其諸天人普皆能如或
 得法忍成得陀羅尼或得樂說无等
 或得諸三昧自在王是天王佛其大
 名聞普流十方於一切天人之中廣
 說此四自在經七万二千菩薩得受
 阿耨多羅三藐三菩提記時有菩薩
 名曰淨光不得受記作如是念今諸
 菩薩得受記者持戒儀式行道念慧
 方便神力陀羅尼三昧不勝於我以
 何緣故今得受記而我不得時天王
 佛知其心念告淨光言善男子於未
 來世當有佛出号曰然燈彼佛當與
 汝受記時淨光菩薩聞佛語已心大
 喜悅上昇於空作如是言若然燈佛
 過恒沙劫而後乃出當知我已得受
 阿耨多羅三藐三菩提記何以故諸
 佛所言皆無虛妄諸佛皆是真實語
 者自在王於意云何彼時淨光菩薩
 豈異人乎則我身是我從是來得值
 光明佛我從彼佛得聞是法聞已受
 持得光印三昧從是已後復值弗沙

佛我從彼佛得聞是法聞已受持得
白在王菩薩經卷下 第三十
 衆明三昧從是已後復值提沙佛得
 聞是法聞已受持得照明三昧從是
 已後復值威德佛我從彼佛得聞是
 法聞已受持得順法忍從是已後復
 值然燈佛我從彼佛得無生法忍證
 此四自在謂戒自在神通自在智自
 在慧自在自在王以是緣故若於今
 世若我滅後善男子善女人求菩薩
 乘者得聞是經聞已受持當知是等
 皆疾得為菩提真智得此四自在能
 轉法輪於佛無上正法之中當得慧
 光說是經時万六千菩薩得無生法
 忍万二千人皆發阿耨多羅三藐三
 菩提心三千大千世界六種震動百
 千万諸天喜而唱言在在處處有說
 是經當知此中則為是佛若有衆生
 得聞此經當知此人善根深厚尔時
 慧命阿難白佛言世尊當何名此經
 云何受持佛告阿難此經名為四自
 在神力當奉持之佛說此已自在王
 菩薩及阿難一切天人聞佛所說歡
 喜受持

自在王菩薩經卷下

壬寅歲高麗國大藏部謹奉

勅彫造

自在王菩薩經卷下

校勘記

- 一 七六四頁下九行「奈謳」，諸本作「那優」。
- 一 七六四頁下九行第一〇字「祿」，諸本作「尼」。
- 一 七六五頁上二〇行第四字「直」，**資**作「真」。
- 一 七六五頁中一二行第七字「經」，諸本作「經諸」。
- 一 七六五頁中一七行第四字「遑」，諸本作「星」。
- 一 七六五頁中一八行第三字「藝」，諸本作「術」。
- 一 七六六頁上一行第一二字「知」，諸本作「如」。
- 一 七六六頁上一五行第七字「尊」，**徑、清**作「佛」。
- 一 七六六頁中七行第三字「亦」，**資**無。
- 一 七六六頁中一七行「供奉」，諸本作「供養」。下同。
- 一 七六六頁下一〇行第三字「界」，諸本作「間」。
- 一 七六六頁下一九行第四字「論」，諸本作「輪」。
- 一 七六六頁下二〇行第七字「脫」，諸本作「解脫」，下同。
- 一 七六六頁下二一行第三字「解」，諸本作「解脫」，下同。
- 一 七六七頁上一五行第一三字「悔」，**碩、畫、南、徑、清**作「愒」。
- 一 七六七頁中一七行「行進」，諸本作「進行」。
- 一 七六七頁中末行末字「大」，諸本無。
- 一 七六七頁下一五行「儀法」，諸本作「威儀」。
- 一 七六七頁下一八行第七字「足」，諸本作「捉」。
- 一 七六七頁下末行第六字「之」，諸本作「因」。
- 一 七六八頁上一行第三字「善」，諸本作「就」。
- 一 七六八頁上一六行第八字「得」，諸本作「得隨」。
- 一 底本，麗藏本。
- 一 七六三頁上九行第七字「倒」，諸本作「顛倒」。
- 一 七六三頁上一〇行第六字「知」，**資**無。
- 一 七六三頁上一二行首字「是」，諸本作「是集」。
- 一 七六三頁中一五行末字至一六行第四字「不至現在世」，諸本無。
- 一 七六三頁下一二行末字「離」，諸本作「遠離」。
- 一 七六四頁上一四行第三字「相」，諸本無。
- 一 七六四頁中二行第七字「等」，諸本作「平等」。
- 一 七六四頁中一五行第一二字「言」，諸本無。
- 一 七六四頁下八行第一三字「岐」，諸本作「祇」。

- 一 七六八頁中一行第一〇字「能」，諸本作「然」。
- 一 七六八頁中末行第一二字「受」，**資**、**磧**、**普**、**南**作「而」；**徑**、**清**作「時」。
- 一 七六八頁下四行「我令不」，**資**、**磧**、**普**、**南**、**徑**作「令我不」；**清**作「我不令」。
- 一 七六八頁下一九行末字「禮」，諸本作「恭」。
- 一 七六八頁下二〇行第五字「送」，諸本作「逆禮拜」。
- 一 七六九頁上三行第四字「菩」，諸本作「是菩」。
- 一 七六九頁中九行第三字「皆」，**資**無。
- 一 七六九頁中九行第六字「率」，諸本作「術」。
- 一 七六九頁中二二行第八字「加」，諸本作「跏」。
- 一 七六九頁下六行第一一字「坐」，諸本無。
- 一 七六九頁下末行第五字「惑」，諸本作「戒」。
- 一 七七〇頁上一行「法津」，諸本作「諸法」。
- 一 七七〇頁上二行第一〇字「主」，諸本作「王」。
- 一 七七〇頁上三行第一三字「如」，諸本作「知」。
- 一 七七〇頁上一七行第二字「恒」，諸本作「恒河」。
- 一 七七〇頁中二一行第一〇字「此」，**清**作「此經」。